

rum extrema duo non attribuit aeo, sed ipsum esse tantum.

5. Similis est ratio, cur in Deo nulli possit intelligi *mutatio*, quia in omni mutatione ordo concipitur inter esse & non-esse, si non omne, saltem aliquod, nempe tale esse & tale non-esse. Atqui in eo quod simpliciter est nullum non-esse potest intelligi, sed merum esse.

EXERCITATIO XXXIV.

De Veritate Dei.

I. **Q**uotuplex est tractatio de Deo?
 Resp. Duplex, una *absoluta*, sic in Locis communibus Theologicis agitur de Deo, sic in Metaphysica Suarezzii aliorumque Scholasticorum; altera *respectiva*, sic in Physica generali tractari solet de Deo, ut causa efficiente universali & ultimo rerum fine, sic in Politica Deus consideratur uti causa Majestatis primaria ejusque providentia, ut causa mutationum remota & generalis.

2. Utra consideratio est prior? Resp. Quamvis absolutum suam naturam prius sit respecti-